



FONDACIJA
TUZLANSKE
ZAJEDNICE

Darujte zajednici, darovali ste sebi !

OPIS POSLA I ZADATAKA VOLONTERSKOG ČLANA UPRAVNOG ODBORA

SVRHA: Volonterski član/ica Upravnog odbora FTZ djeluje kao član/ica sa pravom glasa, koji nadzire provođenje ciljeva, programa i aktivnosti, kao i finansija. Član/ica Upravnog odbora FTZ savjetuje, upravlja, nadgleda politiku i smjerove rada, potpomaže menadžment i opštu promociju Fondacije tuzlanske zajednice, u skladu sa misijom i potrebama organizacije.

OBAVEZE:

1. Aktivno sudjelovanje i rad na sjednicama UO i komisijama UO;
2. Rukovođenje i savjetovanje menadžmenta FTZ;
3. Nadgledanje sprovođenja misije, vizije, vrijednosti FTZ;
4. Nadgledanje sprovođenja strategija, politika i procedura FTZ;
5. Usvajanje i nadgledanje realizacije godišnjeg budžeta;
6. Usvajanje i nadgledanje programskih i organizacijskih izvještaja;
7. Evaluacija i razvoj osoblja FTZ;
8. Promocija FTZ-a

ODGOVORNOSTI:

1. Doprinos Fondaciji u smislu izdvajanja privatnog vremena, talenta i iskustva;
2. Godišnji doprinos Fondovima u smislu lične donacije;
3. Pomoć pri namicanju sredstava za razvoj fondova pri FTZ, te „otvaranje vrata“ kod potencijalnih lokalnih i drugih donatora;

DUŽINA TRAJANJA MANDATA:

Četiri (4) godine, uz mogućnost ponovnog imenovanja na još jedan mandat od strane Upravnog odbora.

OČEKIVANJA:

1. Prisustvovati redovno na sjednicama i pokazati predanost za poslove Upravnog odbora;
2. Učestvovati u stalnim i ad-hoc komisijama FTZ;
3. Biti dobro informiran unaprijed o pitanjima i temama koja se raspravljaju na sastancima;
4. Razumijeti politike i procedure FTZ-a, kao i programske ciljeve, te aktivnosti FTZ-a, godišnjih budžeta i finansija, kao i finansijskih izvora /potreba FTZ-a;
5. Biti upoznat/a sa poslovnim subjektima i pojedincima u tuzlanskoj regiji koji mogu participirati u razvoju fondova pri FTZ ili koji mogu postati partneri FTZ-a.

MISIJA: Fondacija tuzlanske zajednice podržava učešće građana u demokratskom razvoju zajednice kroz umrežavanje i partnerstvo, uključivanje i osnaživanje mladih, te sufinansiranje građanskih inicijativa i projekata za održiv razvoj zajednice. Promocijom kulture darivanja i volonterizma, udružujemo donacije i lokalne resurse i usmjeravamo ih na aktivnosti za poboljšanje uslova življenja na području Tuzle.

VIZIJA: Naša zajednica je vitalna i perspektivna zajednica aktivnih građana koji svojim učešćem i vlastitim resursima stvaraju održivu i sigurnu budućnost za sve generacije koji u njoj žive.

VRIJEDNOSTI: nezavisnost, inovativnost, dosljednost, stručnost, otvorenost za uključivanje svih